

BIBL. NAZ.
VITT. EM. SELE III
162
F
44.
BIBL. NAZ. NAPOLI

BIBL. NAZ.
VITT. EM. SELE III
162
F
44
NAPOLI






162

F

45

















M

H Y M N I
S A N C T O R U M
E T
B E A T O R U M
E X S O C I E T A T E
J E S U.




P A R I S I I S,
Excudebat SEBASTIANUS MARET
CRAMOISY, Regis Typographus.

M. DC. LXXVI.
CUM PRIVILEGIO REGIS.



de lib. domini (cardi) X. d. d.

Ex Bibliotheca Coll. P. S. S.
tini Societatis Jesu





EMINENTISSIMO
S. R. E. PRINCIPI
CARDINALI NITARDO
REGIS CATHOLICI
APUD SEDEM APOSTOLICAM
ORATORI.

JAM sum pridem admiratus exi-
miam illam ac singularem nomi-
nis tui famam, CARDINALIS
EMINENTISSIME, qua prestan-
tes animi & ingenii tui dotes in
ore omnium, atque in auribus ver-
sarentur. Nunc autem eò te suspicio
magis, venerôrque, quòd ascriptus
* ij

*sacro Patrum purpuratorum ordini,
positusque in maxima totius orbis
Christiani luce, unus potissimum vi-
dearis virtutum omnibus ornamen-
tis eminere.*

*Hac una vox omnium est, te sum-
mo tum sacra tum politica bono Rei-
publicae natum, excelsa utriusque
munera, quae sine ostentatione possi-
des, sustinere cum dignitate tanta,
ut dum constanti studio ac sollicitu-
dine in administranda potentissimi
regni incumbis negotia; nihil ta-
men de tua sive in Deum pietate,
sive Religionis tuendae & propa-
gandae cura, diligentiaque remittas.*

*Quod, ut antea multis & insi-
gnibus perspicuum factis fuerit; re-
centi tamen & illustri planum exem-*

plō fecisti; cū pro innata erga San-
ctum Ignatium observantia, illius
promovendi cultus gratiā, novum
ac peculiare Missæ officium institui
ab summo Pontifice, totique indici
Ecclesiæ studuisti.

Qua in re, postquam tot ac tan-
tis Societatem Jesu ornasses meritis,
tu præter modum beneficus, alum-
nos ejus universos eo devinxisti be-
neficio, cujus sanctissimo usu, cū
ipsi semper tam singularis gratiæ
memores futuri sunt: tum etiam
Eminentissimi Benefactoris memo-
riam in publicis privatisque sacris
perpetuam habituri.

Ego quidem, jam statis apud Deum
officiis, pro tanto ejus munere, ac
prolixa tua erga nos Eminentie vo-

luntate , unâ cum cæteris perfun-
ctus , cogitare mecum cæpi quam pro
mea parte , testificandi grati animi
viam inire possem. Verum mihi at-
tentius investiganti nihil in men-
tem venit opportunius , quàm ut pro
ea , in qua aliquantum versatus
sum , exornande sacre poëtices fa-
cultate , Hymnos tibi recenti hac
mea , qualis ea cumque est , opera at-
que industria concinnatos offerrem ,
qui , dum ad Sancti Ignatii gloriam
pangerentur , tibi , ut spero , pergra-
ti essent pérquejucundi.

En igitur , C A R D I N A L I S
E M I N E N T I S S I M E , Hymno-
rum munusculum , ex ipsius Ignatii
ac filiorum laudibus confectum affe-
ro , paucitate quidem carminum , &

*Autoris tenuitate perexiguum : at
grande aliquando & illustre futu-
rum, si qui in illo continentur Hymni,
tuo jam inscripti atque insigniti no-
mine; approbatione etiam tua & com-
mendatione non videantur indigni.*

*Fortunati tùm verò Hymni, qui
hac autoritatis & dignitatis ampli-
tudine tales videri & haberi possint,
ut divino adjungantur officio; ac de-
mum communi ritu concinantur, ad
majorem, quam semper spectavit
Ignatius, Dei gloriam; per quam &
ipse tibi splendorem nominis & fe-
licitatem compares immortalem.*

EMINENTIÆ TUÆ

Addictissimus MARTINUS
CLAIRE' Presbyter So-
cietatis JESU.

* iiij

~~~~~

L E G E S

I N H O C

H Y M N O R U M

O P U S C U L O

O B S E R V A T Æ.

1. **E**XTERMINANTUR primùm cum voces barbaræ omnes, tum præsertim illæ quæ poëticas fabulas sapiunt.

2. Excluduntur deinde vocalium elisiones, & certæ quæ dicuntur Poëtarum licentiæ, quibus pes unus carminis legitimus, mutatur in alium, qui pluribus constet syllabis; atque inde auctus syllabarum numerus non parum canentibus incommodare solet.

3. Similiter ablegatur quidquid vel obscuritatem in sensu, vel ambiguitatem in verbis, vel in sono duritiem habet; id omne denique quod pias mentes offendere, vel ab divinis avocare meritò possit.

4. Ad hæc accedit accurata poëtici metri juxta ac latinæ puritatis observatio: utraque verò, constanti, nec opinor, invenustæ Rhythmorum concinnitati conjuncta.

Quæ omnia tamne fideliter impleta; quàm liberè constituta sint, penes esto peritum lectorem judicium.



H Y M N I  
S A N C T O R U M

ET

B E A T O R U M  
E X S O C I E T A T E  
J E S U.

---

DE SANCTO IGNATIO.

*AD VESPERAS,*

*& Matutinum.*

**N**OMINIS Jesu studiose cultor,  
Bellico major, meliorque casu;  
Ordinis Sacri novus Institutor  
Sub duce Jesu.

\* v

*Hymni Sanctorum*

Sterneris fausto violatus ictu,  
 Nam vir, Ignati, novus inde surgis,  
 Moxque divino tibi missa ductu  
 Agmina cogis.

Propriâ clarus, patriâque laude,  
 Gloriæ dum te levis aura pascit,  
 Te Dei laudis melior tuendæ  
 Gloria poscit.

Hinc & humanæ cupidus salutis,  
 Omnium curam generosus ambis;  
 Nec potest tantis satis esse votis  
 Unicus orbis.

Unus, Ignati, loca cuncta replet,  
 Nempe te totum Deus implet unus,  
 Hujus ut Numen populis reveles  
 Numine plenus.

Trinitas unum veneranda Numen,  
 Da tuæ laudis decus ad perenne,  
 Optimi Patris celebrare nomen  
 Tempus in omne. Amen.

*AD LAUDES.*

**O** Mira fors Ignatii!  
 Mendicus est ex divite;  
 Dei capax consortii  
 Ex bellicoso milite.

Alto penetrans lumine  
Summi Dei sacraria,  
Discit magistro Numine  
Quæ scita dat salubria.

Terris agens in exteris  
Christi sacris origine,  
Quærit salutem barbaris  
Suo parandam sanguine.

Frustratus hac spe nobili,  
Dei, fit hostis, hostibus:  
Zelo flagrans apostoli  
Resistit unus omnibus.

Urget palam nefarios,  
Pravosque mores corrigit,  
Et hæresum sectarios;  
Et cæteros non negligit.

Sed ethnicorum carius  
Salus stabit Xaverio;  
O patre dignus filius!  
Patérque dignus filio!

Jesu, tibi sit gloria,  
Patri, sacroque Flamini:  
Sit laus, decus, victoria  
Jesu potenti nomini. Amen.

\*\*\*

DE S. FRANCISCO XAVERIO.

*AD VESPERAS,*

*& Matutinum.*

**I**NDORUM domitor, doctor, apostolus,

Cunctis omnis homo, moribus angelus,

Virgo, perpetuò corpore virgine,  
Et martyr, sine sanguine:

O Francisce, novi tu decus ordinis,  
Quem Jesu celebrat gloria nominis:  
Hunc per regna procul provehis extera,  
Mox laturus ad æthera.

Tu vas grande Deo ferris ad omnia,  
Admiranda potens sumere munia,  
Et portare plagis Japonis insulæ  
Christi nomen amabile.

Quænam terra tuis invia gressibus?  
Quæ non plena sacris ora laboribus?  
Intrasti latebras dæmonis ultimas,  
Gentes indole pessimas.

Hinc gens Christiadum quanta fidelium?

Quot, baptista, lavas millia millium?



Constant pluribus hæc num tibi passibus?

An factis magè grandibus?

En delubra vacant, & sacra dæmonum,

Et calcata jacent agmina Numinum,

Quæ dum fracta suis ædibus obruis,

Tu Christo simul extruis.

Sanctæ sit Triadi gloria jugiter,

Sit cum Xaverii laude perenniter;

Jesu sitque sacro gloria nomini,

Omnis laudis origini. Amen.

*AD LAUDES.*

**D**Eo fruens profusiùs,  
Sat est, sat est dulcedinum;  
His pone, Christe, terminum,  
Sat est, ait Xaverius.

Amoris ictu saucius,  
Sacróque languens vulnere,  
Clamat relecto corpore,  
Sat est, adure mitiùs.

Sed est pati præstantius;  
Hoc optat absque limite;  
Ardore cordis perpete  
Semper pati vult ampliùs.

**G**      *Hymni Sanctorum*

Tot ecce passus sæpius,  
Terræ, maris discrimina,  
Tot hostium certamina,  
Vult ampliùs, vult ampliùs.

Malis domari nescius,  
Vult carceres, vult vincula,  
Flammæ, cruces, & spicula;  
Numquam satis : vult ampliùs.

Sinæ negato transitu,  
Hac sorte pressus asperâ,  
Transfertur hinc ad sidera  
Fausto laboris exitu.

Uni supremo Numini  
Sit Trinitati gloria :  
Sit laus, decus, victoria  
Jesu salubri Nomini. Amen.

---

DE S. FRANCISCO BORGIA.

*AD VESPERAS,*

*& Matutinum.*

**D**ESERTOR aulæ nobilis,  
Quàm mente rerum prodigâ,  
Rectè saluti consulis  
Seculi dolosi transfuga!  
Sponsæ tibi dum Regiæ

Fœdum cadaver sistitur,  
Carnis patent præstigiæ,  
Mundi dolus proponitur.

In hoc vides cadavere  
Quæ corporis sit fœditas,  
Quid sit mori, quid vivere,  
Et quanta rerum vanitas.

Sic nos, ait, deludimur?  
Francisce, finem respice:  
Ut quid volentes fallimur?  
Jam nunc futura prospice.

O spes valete futes,  
Honos, voluptas, curia;  
Opes faceffant mobiles,  
Domus, ducatus, patria:

Quæ Cæfaris, fint Cæfari;  
Herum placet non fumere  
Cui fter fubeffe tempori,  
Sed me Deo jam fubdere.

Sic dixit, & fic præftitit,  
Rebus relictis omnibus:  
Demúmque fefe tradidit  
JESU piis fodalibus:

JESU, fuprema claritas,  
Tibi, Patri cum Flaminc  
Æterna fit felicitas,  
Et laus tuo pro nomine. *Amen.*

*A D L A U D E S.*

**Q**Uis te sacris altaribus,  
Francisce, stratum viderit,  
Et jam frui non dixerit  
Claris Dei conspectibus?

Circum refuso lumine  
Quo pura splendent pectora,  
Vultus micant ut sidera,  
Hausto calentes Numine.

Ex hoc amoris ubere  
Sacros amores elicis,  
Totumque Numen allicis,  
Sub hoc amantis pignore.

Vi semper hinc avelleris,  
Nullis repulsus tædiis:  
His pascaris cupediis,  
Nec tu famem repleveris.

Ad sacra qualis advenis!  
Quò fungeris ferventiùs,  
Præstare vis frequentiùs,  
Et velle nunquam desinis.

Sed hæresis ferociâ  
Lapsis litans in ædibus,  
Fractis recedis viribus,  
Cum febre mortis nuntiâ.

Stellata tangis ostia ;  
En absque jam velamine ,  
Christi fruëris lumine ,  
Cadens amoris hostia.

Tibi , Patri , cum Flamine ,  
J E S U , suprema claritas  
Æterna sit felicitas ,  
Et laus tuo pro nomine. Amen.

---

DE BEATO ALOÏSIO.

*A D V E S P E R A S ,*

*& Matutinum.*

**I**NFENSUS hostis gloriæ ,  
Omnisque culpæ nescius ,  
Et mollis osor curiæ  
Laudetur Aloïsius.

Almâ juvante Virgine  
Ex matris alvo ducitur ,  
Simúlque sacro flumine  
Nascens puer renascitur.

Primis ab incunabulis ,  
Piæ loquelæ semina ,  
Castis fluunt labellulis  
Jesu , Mariæ nomina.

Summo sacer jam Numini,  
 Curas profanas abdicat,  
 Et se decennis Virgini  
 Per castitatem dedicat.

Deo trahente cœlitus,  
 Sic mente pergit vivere,  
 Ut carnis expers spiritus,  
 Vel angelus cum corpore.

Hunc non honores sæculi,  
 Non magna tangunt nomina,  
 Non aulici, non servuli,  
 Non cara gentis agmina.

Sed hæc habens despectui,  
 Sacrisque captus gaudiis,  
 Adjunctus almo cœtui,  
 Christi meret stipendiis.

Uni ter almo Numini  
 Sit laus, decus, dilectio,  
 Sanctoque Jesu nomini;  
 Sit laus & Aloïsio. Amen.

### *AD LAUDES.*

**D**OMUS cupitæ limina,  
 Ut faustitatis culmina,  
 Videns, tenensque tutius  
 Triumphat Aloïsius.

Hic se quietus abdidit;

Et in Deo se perdidit :  
Hæc ejus una functio,  
Dei frui consortio.

Unum, Deus, te cogitat,  
Et corde toto flagitat :  
Te non amet, non vixerit ;  
Unum Deum sic deperit.

Hinc lacrymarum flumina,  
Pandunt, rigântque lumina ;  
Amoris undis mergitur,  
Flammis amoris uritur.

Illo nihil perfectius,  
Nihil fuit constantius :  
Omni carens labeculâ,  
Fit sanctitatis regula.

Sibi tamen non æquior,  
Sed usque fit severior ;  
Vexat, domat corpusculum,  
Cui non subest piaculum.

Non parcit ægris artubus,  
Non abstinet laboribus :  
His vita sensim tollitur,  
Et morte finis ponitur.

Uni ter almo Numini,  
Sanctoque Jesu nomini,  
Sit laus, decus, dilectio,  
Sit laus & Aloïsis. Amen.

## DE BEATO STANISLAO.

AD VESPERAS,

&amp; Matutinum.

F OETUS, Stanisla, gratiæ,  
Exemplar innocentiaë,  
Terrestris orbis angele,  
Transmisit cœlo floscule.

Primo juventæ tempore,  
Summo potiris æthere,  
Vitæ brevis compendio,  
Felice cum dispendio.

Tu nempe cœlo carior,  
Rebus sacris maturior,  
Puris relucens moribus,  
Par es beatis mentibus.

Sed prô novum miraculum!  
Altaris almi pabulum  
Tibi ministrant Angeli,  
Tanti favoris æmuli.

Ægro jacentem corpore  
Dignatur & te visere,  
Virgo parens cum filio,  
Omnis mali solatio.

Quibus flagras incendiis?  
Quantis triumphas gaudiis?



Quot fers amoris spicula,  
Ejus ruens in oscula?

Hic admonente Virgine,  
Ipsoque plenus Numine,  
Jesu dicatus nomini  
Das nomen ejus ordini.

Tibi, beata Trinitas,  
Laudum perennis unitas;  
Laus & beatis omnibus  
Sit Virginis clientibus. Amen.

*A D L A U D E S.*

**V**IATOR en amabilis,  
Puer Stanislas nobilis  
Pannis amictus vilibus  
Clam se recepit omnibus,  
Nullo moratur objice,  
Christoque ductus auspice,  
Domum venit plaudentibus  
Ignatii sodalibus.

Cunctis subest tironibus,  
Sed his præit virtutibus;  
Rerum capax cœlestium,  
Jam fit magister omnium.

Ardore misso cœlitus,  
Incenditur medullitus:  
Nec corda sedant ignea

Perfusa lymphis lintea.

Hoc igne totus uritur,  
Flammis suis absumitur:  
Sed uritur suaviter,  
Et occidit feliciter.

Nam quo die prædixerat,  
Adesse quo speraverat  
Cælo receptæ Virgini,  
Mentem refudit Numini.

Tibi, beata Trinitas,  
Laudum perennis unitas;  
Laus & beatis omnibus  
Sit Virginis clientibus. Amen.

DE SS. TRIBUS MARTYRIBUS  
JAPONENSIBUS,  
PAULO, JOANNE, ET JACOBO.

*AD VESPERAS,*

*& Matutinum.*

**I**LLUSTRES animas, ignea pectora,  
Ignatî Sobolem, caraque pignora,  
Athletas canimus non superabiles,  
Palmari nece nobiles.

Fædis multa diu per loca curribus  
Raptantur, mutilis turpiter auribus;  
Sed probris cuperent pluribus appeti,

Fortes omnia perpeti.

Hos nullis opus est sistere vinculis,  
Non est, Miles, opus, cingere spiculis;  
Quam vitam properas tollere tutiùs,  
Hanc optant dare promptiùs.

Nam mens innocui conscia pectoris,  
Impensèque sui prodiga corporis,  
Gentis primitias auspice Numine  
Gestit tingere sanguine.

Instrumenta feris facta piaculis,  
Altæ ligna crucis singula singulis  
Aptant horrificæ carnificum manus;  
Dirum supplicii genus!

Prostant fixa cruci corpora Mar-  
tyrum,  
Fuso tota natant sanguine vulnerum;  
Dum felix animus corpore solvitur,  
Cœli civibus additur.

Sanctæ sit Triadi gloria jugiter,  
Sit cum Martyribus juncta perenniter,  
JESU sitque sacro gloria nomini,  
Omnis laudis origini. Amen.

*AD LAUDES.*

**E**N trina pendet victima  
Novi gregis pars optima,  
Nullo suo pro crimine,

16 *Hymni Sanctorum Soc. Jesu.*

Suo litans ex sanguine.

Ardore Paulus perpeti  
Crucis ligatus stipiti,  
Verbis micat cœlestibus  
Christum loquens adstantibus.

Jam sacra verbi semina,  
Vitæ beatæ germina,  
Docens ubique jecerat,  
Magnosque fructus ceperat.

Hoc rite functus munere,  
Celso locandus Æthere,  
Quod ore præco fuderat  
Martyr cruore roborat.

Hujus sodales intimi  
Mortisque pœnâ proximi  
Primus Joannes ordine,  
Jacobus, alter, nomine.

Ambo gravi sub vulnere  
Cadunt beato funere,  
In his uterque dulcibus,  
Jesu, Maria, vocibus.

Uni supremo Numini,  
Sanctoque Jesu nomini,  
Pro Martyrum victoria  
Sit sempiterna gloria. Amen.







